

IKAW MAKAHIBALO UG DUGANG PA GAYUD MAHITUNGOD SA DIOS



Tun-i kini mahitungod sa Dios.

Ang Biblia motabang kanimo sa pagkahibalo ug dugang pa mahitungod sa Dios.

Si Jesus motabang kanimo sa pagkahibalo ug dugang pa mahitungod sa Dios.

Ang Espiritu sa Dios magatabang kanimo pagkahibalo mahitungod Kaniya.

Ikaw mahibalo ug dugang pa gayud mahitungod sa Dios didto sa langit.



Basaha kini gikan sa Biblia
Kusga pagbasa makalima pagsubli

Ang Anak sa Dios mianhi ug mihatag kanatog salabutan sa pag-ila kaniya nga mao ang matuod nga Dios. 1 Juan 5:20

Kay gihiguma sa Dios ang kalibutan nga tungod niana gihatag niya ang iyang bugtong Anak, aron ang tanan nga mosalig kaniya dili malaglag, kondili may kinabuhing dayon. Juan 3:16.

Mabuhat mo ba kini?

Paghimo ug badlis nga magadugtong sa mga pulong sa wala ngadto sa tukmang mga pulong nga anaa sa too.


- | | |
|--|--|
| 1. Ang Anak sa Dios ● | ● motabang kanimo sa pagkahibalo Kaniya. |
| 2. Gihiguma sa Dios ● | ● makabaton ug kinabuhing walay katapusan. |
| 3. Ang tagsatagsa nga motoo kang Jesus ● | ● mao si Jesu-Cristo. |
| 4. Ang Espiritu sa Dios ● | ● ang kalibutan |

1. Ang Anak sa Dios

2. Gihigugma sa Dios

3. Ang tagsatagsa nga motoo kang Jesus

4. Ang Espiritu sa Dios



motabang kanimo sa pagkahibalo Kaniya.

makabaton ug kinabuhing walay katapusan.

mao si Jesu-Cristo.

ang kalibutan.

Ang Biblia motabang kanimo sa pagkahibalo ug dugang mahitungod sa Dios.

Ang Biblia magatudlo kanimo sa daghang mga butang mahitungod sa Dios. Basaha ang Biblia adlawadlaw aron mahibaloan mo ug dugang ang mahitungod sa Dios.

• Ang Dios makahimo sa pagsulti kanimo pinaagi sa Iyang basahon. •



Si Jesus motabang kanimo sa pagkahibalo ug dugang mahitungod sa Dios.

• Ang Dios may tulo ka persona-Dios Amahan, si Jesus nga Anak, ug ang Espiritu Santo. •

• Kung ang usa uban kanimo, ang tulo tanan uban kanimo •

• Si Jesus nahimong tawo aron sa pagtabang kanimo sa pagkahibalo mahitungod sa Dios •

Ang inahan ni Jesus maoy usa ka maayong babaye ug ang iyang ngalan mao si Maria.

Ang ngalan sa iyang bana mao si Jose.

Apan si Jose dili mao ang amahan ni Jesus.

Ang Amahan ni Jesus mao ang Dios.



• Sa dihang natawo si Jesus, ang mga manulonda nanag-awit sa pagdayeg ngadto sa Dios. •

Sila nagtug-an sa mga magbalantay sa mga carnero nga ang manluluwas natawo.

Ang mga magbalantay sa mga carnero nangalipay sa dihang ilang nakaplagan si Jesus.


Ang Dios nagpadala sa Iyang Anak aron mahimong Manluluwas sa kalibutan.

• Ang Dios mianhi sa kalibutan kauban sa Iyang katawhan pinaagi sa Iyang Anak. •



• Sa dihang midaku si Jesus, Iyang gisultihan ang katawhan mahitungod sa Dios. Siya nagtudlo kanila unsa ang kabubut-on sa Dios nga pagabuhaton sa Iyang katawhan. •

Iyang gihikap ang mga buta ug sila nakakita. Iyang giayo ang mga masakiton, ang mga bakol, ug ang mga bongol. Siya nagalipay sa mga tawo nga masulob-on ug Iyang gihimong maayo ang dautan nga mga tawo. Iyang gibanhaw ang mga patay. Iyang gibuhat ang tanang butang nga gisugo sa Dios Kaniya.



• Si Jesus namatay didto sa Krus aron sa pagluwas kanatogikan sa sala •

Siya gilubong apan nabuhi pag-usab.

Sa kaulahian ang Iyang mga kahigalaan nakakita kaniya nga misaka ngadto sa langit.

• Siya mobalik aron kuhaon kadtong nahigugma Kaniya-kanilang tanan nga midawat Kaniya nga ilang Manluluwas. Kadtong nangamatay mangabuhi pag-usab.

• Si Jesus magadala kanato ngadto sa langit uban Kaniya. •



Ang Espiritu sa Dios motabang kanimo sa pagkasayud ug dugang pa mahitungod Kaniya.

Ang Dios nagpadala sa Iyang Espiritu aron magpuyo sa sulod sa Iyang katawhan.

Ang Dios kauban nimo pinaagi sa Espiritu Santo.

Si Jesus kauban nimo pinaagi sa Espiritu Santo.

• Ang Espiritu sa Dios motabang nimo sa pagsulti ngadto sa Dios diha sa pag-ampo. •

Pinaagi sa pagpakigsulti ngadto sa Dios ikaw mahibalo Kaniya ug dugang pa gayud.

• Hangyoa ang Espiritu Santo sa pagsulod sa imong kinabuhi. •

Siya motabang kanimo nga magkinabuhi alang sa Dios ug ikaw masayud ug dugang pa mahitungod Kaniya.



Ang katawhan sa Dios magatabang kanimo pagkahibalo mahitungod Kaniya.

Ang Dios buot nga ang Iyang katawhan makatabang sa uban sa pagkahibalo Kaniya.

Sila nga nasayud kang Jesus, magatug-an sa uban mahitungod Kaniya.

Sila nagtigom aron sa pagtoon sa Pulong sa Dios ug sila nagaampo usab.

Ilang gisultihan ang ubang mga tawo unsa ang gibuhay sa Dios alang kanila.

• Pakig-uban sa katawhan sa Dios aron ikaw makatoon ug dugang pa mahitungod Kaniya. •

• Sultihi ang imong mga kahigalaan unsa ang imong nahibaloan mahitungod sa Dios aron nga sila mangaluwas ug makaadto usab sa langit. •

Ikaw mahibalo ug dugang pa gayud mahitungod sa Dios didto sa langit.



Pag-ampo

Salamat Kanimo, O Dios, tungod kay Ikaw nahigugma kanako

Ug usa ka adlaw nga umalabot ang imong nawong akong makita.

Amahan, Anak, ug Espiritu Santo, umanhi ikaw ug sulod sa akong kinabuhi.

Tabangi ako sa pagsulti ngadto sa akong mga kahigalaan mahitungod Kanimo.

Tabangi sila sa pagkahibalo usab mahitungod Kanimo, ako nagaampo,

Aron nga sila usab makaadto sa langit sa dihang mobalik na Ikaw sa pagkuha kanamo sa pag-abot na sa adlaw.

Kung makaadto ka na sa langit ikaw makakita na sa Dios.

Ikaw makadungog Kaniya nga makigsulti kanimo.

• Ikaw makasabot na sa mga butang nga karon dili nimo masabtan •

Imong makita unsa diay kahibulongan ang Dios.

Masayud ka ug dugang pa gayud mahitungod sa Dios ug ikaw mahigugma Kaniya labaw pa sa imong paghigugma karon.

Ug ikaw magpuyo uban Kaniya sa kahangturan.



Karon sulati ang imong Talaan sa Tinun-an alang sa Leksyon 14.

INTERNATIONAL CORRESPONDENCE INSTITUTE
PHILIPPINE NATIONAL OFFICE, P.O. BOX 1084, MANILA

14

IKAW MAKAHIBALO UG DUGANG PA MAHITUNGOD SA DIOS

KALINGAWAN NGA IMONG PAGABUHATON

Pahiluna-a ang mga litra nga gisagolsagol

Sumala sa Juan 17:3 si Jesus nagtug-an kanato kung unsaon ang pagbaton sa kinabuhing walay katapusan. Ang mga pulong dili na mabasa tungod kay gisagolsagol man ang mga litra. Pahilunaa ang mga litra ug pahilunaa ang gisulti sa tibuok nga versikulo.

.....

Gu nga anikhingbu yonda oma ikin ang
oma nga tongbug tuodin ang siod gu angk
seJu-ristoC ang mongi pilanada.

.....

Isulti ang imong kasinatian giunsa nimo ang pagduol ug ang pagkahibalo mahitungod sa Dios.



PAHALIPAY!

Ikaw nakatapus na karon sa curso nga **Ang Dios Nahigugma Kanimo!**
Ikaw ba nahigugma na karon sa Dios labaw pa kaniadtong wala ka pa makasugod sa pagtoon niining mga leksyon?
Makatoon ikaw ug dugang pa gayud mahitungod sa Dios ug sa Iyang gugma alang kanimo diha sa laing mga curso gikan sa International Correspondence Institute.
Buot ka ba makadawat ug dugang pa nga curso karon?

Mga Pangutana, mga panultihon, mga hangyo sa pag-ampo.

Isulat dinhi ang bisan unsang mga pangutana O mga panultihon mahitungod sa mga leksion, o bisan unsang butang nga buot nimo nga iuban sa mga pag-ampo sa imong magtutudlo. Gamit lamang ug dugang nga papel kon gikinahanglan.

.....

.....

.....

.....

.....

Sublia pagtan-aw ang mga pahina sa mga Leksyon 11, 12, 13 ug 14. Unya ipadala kini sila ngadto sa atong escuelahan sa ICI nga haduol sa imong dapit.

Gibuhat mo na ba ang tanang bulohaton niini nga leksyon?

Grado

Ang imong papel sa pasulit pagahatagan ug grado ug ipadala balik kanimo, kauban sa sunod nimong leksyon. Kami mailipay sa pagdawat ug mga sulat nga gikan gayud kanimo. Pangutana lamang bisan unsa nga mga pangutana nga moabot sa imong hunahuna sa panahon nga ikaw nagtoon. IPADALA KINING PAPEL SA PASULIT NGADTO SA:

INTERNATIONAL CORRESPONDENCE INSTITUTE
PHILIPPINE NATIONAL OFFICE—P.O. BOX 1084, MANILA

ANG MGA KURSO SA BIBLIA
SA ICI NAKAHATAG KANAMO
UG DAKUNG KALIPAY !!!



INTERNATIONAL CORRESPONDENCE INSTITUTE
PHILIPPINE NATIONAL OFFICE
P.O. BOX 1084, MANILA